



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, , den 10/11/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesesch fir Gesondheet weiderzeleeden.

D'Verhältnis tëscht engem Patient an engem Dokter ass ee ganz sensibelt. E Patient muss sengem Dokter vertrauen a grad wann et em méi schwéier Krankheeten oder Verletzunge geet, souguer heiansdo säi Liewen am Operatiounssall an d'Hänn vu sengem Dokter leeën.

Fir ze verhënneren, dass Dokteren, déi sech duerch schlëmmt Feelverhale strofbar gemaach hunn, nach Patiente behandlede kennen, kann de Gesondheitsministère zu Lëtzebuerg den Dokteren hir Approbatioun entzéien, falls et zu engem grave Feeler bei der Behandlung vun engem Patient koom.

Änlech Prozedure ginn et och am Ausland an eigentlech informéieren d'Länner aus der EU sech och géigesäiteg doriwwer, wéi eng Dokteren hier Approbatioun verluer hunn.

Wei *RTL 5 Minutes* den 12. Oktober 2020 gemellt huet, soll et aktuell awer e Gynekolog ginn, deen hei zu Lëtzebuerg schafft, obwuel hien a Frankräich wunnt engem grave Feeler net méi exzerzieren dierf.

An deem Zesammenhang wéilt ech der Ministesch dës Froe stellen:

1. Ass der Madamm Ministesch de genannten Artikel aus der Press bekannt an huet si Kenntnis vun de Virwërf, déi opgeworf ginn?
Ass et richtig, dass zu Lëtzebuerg eng oder méi Persounen als Dokter schaffen, déi an anere Länner kee Recht méi hunn, hire Beruff ze exzerzieren?
2. Kann d'Madamm Ministesch erklären, wéi et dozou komme kann, dass Dokteren, déi am Ausland hier Approbatioun verluer hunn, zu Lëtzebuerg nach schaffen kennen?
3. Feelt et, der Aschätzung vun der Ministesch no, un harmoniséierte Prozedure fir e feelerfräien internationalen Informatiounsaustausch ze garantéieren, a Fäll wou Dokteren hier Approbatiounen entzu kréien?
4. Wéi wëll de Gesondheitsministère den internationalen Informatiounsaustausch am



www.piraten.lu

Kontext vun den Approbatioune fir Medezinner verbessern?

5. Falls d'Informatiounen aus dem RTL-Artikel zoutreffe sollten: Wéi wäert de Gesondheetsministère reagéieren? Wäert de betroffenen Dokter nach weiderhin zu Lëtzebuerg schaffe kennen?

Mat déiwem Respekt,



CLEMENT Sven
Député

